

石刻史料新編

第三輯

(三五)

新文豐出版公司 印行

考證目錄題跋類

| | | | |
|------------|-----|-------|-----|
| 天發神讖碑考 | 一卷 | 清周在浚撰 | 001 |
| 周秦刻石釋音 | 一卷 | 元吾丘衍撰 | 027 |
| 漢劉熊碑考 | 二卷 | 清顧燮光撰 | 047 |
| 漢射陽石門畫象彙考 | 一卷 | 清張寶德撰 | 067 |
| 漢魏碑考 | 一卷 | 民陳洙校 | 079 |
| 隋徐智竦墓志考 | 不分卷 | 民王文燾撰 | 087 |
| 唐昭陵石蹟考略 | 五卷 | 清林侗撰 | 097 |
| 漢石經考異補正 | 二卷 | 清瞿中溶撰 | 137 |
| 讀熹平石經殘碑記 | 不分卷 | 民趙鐵寒著 | 165 |
| 漢熹平石經集錄續補 | 不分卷 | 民羅振玉寫 | 179 |
| 漢熹平石經集錄又續編 | 不分卷 | 民羅振玉寫 | 187 |
| 魏三體石經遺字考 | 一卷 | 清孫星衍撰 | 209 |

| | | | |
|---------|-------|-------|-------|
| 唐石經考正 | 一卷 | 清王朝渠撰 | 2 2 7 |
| 蜀石經毛詩考異 | 二卷 | 清吳 騫撰 | 2 6 3 |
| 石經考 | 一卷 | 清顧炎武撰 | 2 7 7 |
| 石經殘字考 | 不分卷 | 清翁方綱撰 | 2 9 7 |
| 石鼓文音釋 | 三卷附一卷 | 明楊 慎撰 | 3 0 9 |
| 石墨餘馨 | 不分卷 | 俞陞雲撰 | 3 3 1 |
| 石墨餘馨續編 | 不分卷 | 俞陞雲撰 | 3 4 3 |
| 讀石墨餘馨後記 | 不分卷 | 朱鼎榮撰 | 3 5 7 |
| 陳篋齋文筆記 | 附手札一卷 | 清陳介祺撰 | 3 6 3 |
| 鮑臆園文手札 | 一卷 | 清鮑 康撰 | 3 7 1 |
| 墨妙亭碑目考 | 二卷附一卷 | 清張 鑑撰 | 3 8 1 |
| 天壤閣雜記 | 一卷 | 清王懿榮撰 | 4 5 5 |
| 刻碑姓名錄 | 三卷 | 清黃錫番撰 | 4 6 3 |
| 金陵古金石考目 | 一卷 | 清顧起元編 | 4 9 7 |
| 吳郡金石目 | 一卷 | 程祖慶 | 5 1 5 |
| 江西金石目 | 不分卷 | 清繆荃孫撰 | 5 4 3 |
| 河朔新碑目 | 三卷 | 清顧燮光撰 | 5 5 3 |

清周在浚撰

天發神識碑考

11-47/14

序

祥符周雪客僑居江寧之世南灣古豐宮
 甚適歲在戊子三月借予訪尊經閣下觀吳時
 天啟神識碑石三段文字艱晦不可讀逾三
 年予以典鄉試再至江寧雪客語予合三
 段之石審其斷處聯貫讀之文義既後字
 亦可以意辨乃先列其文援據載記作天
 啟神識碑文考一卷是碑相傳為皇朝中
 朱序

其文指為華嚴所作蓋本張勅吳錄而
 許嵩建康實錄注感光集慶續志因以
 覈嘗為東觀令而碑後有蘭臺東觀令
 字遂以實之考覈為東觀令時犯顏
 數諫號稱直臣又其免官在天冊元年
 覈既免官又素抗直必不復藉符瑞取媚
 豈刻碑之所云蘭臺東觀令別是一人未
 可遽信為覈之文矣文曰天聖元年柔

朱序

二

泰當作泰其下蓋有月字揚雄太元
 經曰運諸泰政王莽候鉅文曰重五千泰
 斤咸考七為泰而吳興國山碑有云神
 女告微表祥者世有泰与是碑先後
 建之則為七月無疑爾有元祐中韓運
 副使胡宗師移置漕臺後圃當時宜
 多拓本原不見收於歐陽趙氏之錄石之
 斷為三歷八百餘年而後又五百年字
 人使聯貫讀之者自雪客始其勤
 學如台詢人之所難能而物之顯晦
 亦各有其時焉秀水朱昇尊

天發神識碑

上天帝言天口口口口口口口口口口口口

下步弓日月口口口口口口口口口口口口

帝曰大吳一口萬方甲午丙日口口口口

才仁中乎予口口元口秀山川口口口口

天發神識文

天璽元年泰口已酉朔十卯日士口口口

武中郎將丹口口口口口口口口口口

然發刻廣省口于是天識廣多口未解解

未發神識碑考卷上

者十二字以口廿三日遣口口口口口文字

令史建忠中口將會稽陳治口口口口解十

三字治復有口未解以八月十口口口口

詔遣中書郎行口將軍裨將軍關内口九江

費字行視吏口十二字合五十七口字與

西部校尉姜口口絡典校景儀口口梅亂

章咸李楷賀口吳寵建鄴丞許口口番約

等十二人吏口並共觀視深甄歷口永歸

大吳上天宣命昭口太平文字炳服天口在諸

石上故就口口口口口口銘敷垂億口口口

口口口口口口口口口口口口口口口口

口口口口口口口口口口口口口口口口

蘭臺東觀令口口口口口口口口西郡口口

巧工九江朱口口口口口口口江口口口

功東海夏侯口口口口口口口口口口口口

予因遊府南天禧寺寺門之外有石三段半埋於土

竊疑以為天璽元年巖山紀功德段石岡之碣因觀

之果耳人多傳是皇象書楷之實八百十有五年

天發神識碑考卷上

字雖缺損而尤有完者寺僧不善護持歲月之久風

雨所暴必至泯滅因輦置漕臺後圃籌思亭時辛未

元祐六年三月二十六日轉運副使左朝請郎胡宗

師題石一跋

余奉使計臺侍親遊此昇天璽斷碑觀之筆力高古

而文字殘缺不可讀也悲夫崇寧元年中秋日轉運

判官石豫安正題石一跋

人見上古殘碑隻字輒珍重以為希有古人之心千

古如見獨不當一仰思耶明嘉靖甲子督學御史

天都山人耿定向識

是日南畿舉人修序齒會始也

右一跋刻石額上

天發神識碑考

大梁周在浚雪客

天璽元年吳郡臨平湖自漢末艸穢塞壅今更開通長老相傳此湖塞天下亂此湖開天下平又於湖邊得石函中有小石青白色長四寸廣二寸餘刻上作皇帝字於是改元大赦

晉陳壽三國志

秣陵縣南三十里有巖山山西有石室山東大道左有方石長一丈勒名題贊吳功德孫皓建宋明帝太始中

建平王休祐從巖山射雉即此

晉山謙之丹陽記

天發神識碑考 卷一

三

天發神識碑考 卷一

四

5

巖山東有大石碣長二丈折為三段因以名岡在城南

共十里長二十里高二十二丈

丹陽記

天册元年吳郡臨平湖自漢末艸穢壅塞長老傳云此

湖塞天下亂此湖開天下靜是湖忽開通或云當太平

青蓋入洛後主以問奉禁都尉陳訓訓曰臣能望氣不

能遠湖之開塞退而謂人曰青蓋入洛將有興視銜璧

之事非吉祥也又於湖邊得石函函中有小石青白色

長四寸廣二寸刻上作皇帝字於是又改元為天璽元

年立石刻於巖山紀功德

唐許嵩建康實錄

案吳錄其文東觀華嚴作其字大篆未知誰書或傳是
皇象恐非在今縣南四十里龍山下其石折為三段時
人呼為段石岡也建康實錄注

華嚴字永先武進人始為上虞典農都尉以文學入為
祕府郎遷中書丞後遷東觀令領右國史嚴上疏辭讓
皓答曰得表以東觀儒林之府當講授文藝處定疑難
漢時皆名學碩儒乃任其職乞更選英賢聞之以卿研
精墳典博覽多聞可謂說禮樂敦詩書者也當飛翰騁
藻光質時事以越揚班張蔡之儔恠乃光謙厚自菲薄

天發神識碑考 卷一

五

宜勉修所職以邁先賢勿復紛紛天冊元年以徵謹免
數歲卒三國志華嚴傳略

吳皇象字休明廣陵江都人也官至侍中工章艸師於
杜度先是有張子並於時有陳良輔並稱能書然陳恨
瘦張恨峻休明斟酌其間甚得其妙與嚴武等稱八絕
世謂沉着痛快抱朴云書聖者皇象懷瓘以為右軍隸
書以一形而眾相萬字皆別休明章艸雖相眾而形一
萬字皆同各造其極則實而不朴文而不華其寓春秋
最為絕妙八分雄才逸力乃相亞於蔡邕而妖冶不逮

通議傷於多肉矣休明章艸入神八分入妙小篆入能
唐張彥遠法書要錄

索靖幼安梁鶴孟皇章誕仲將皇象休明胡昭孔明鍾
會士季衛瓘伯玉荀爽長胤阮研文幾右九人上之下
論曰胡肥而鍾瘦休明斟酌二家聯駕八絕梁庾肩吾書品
皇象文武帖蓋寫漢東觀校書郎高彪送幽州督軍御
史第五永箴耳結字亦古史本云呂尚七十此云師尚
七十史本云明其果毅此云昭其果毅蓋作史者避晉
諱當以此為是五將三門下當云地有九變邱陵山川

天發神識碑考 卷一

六

人有計策六奇五間總茲三事謀則咨詢無日己能務
在求賢准陰之勇廣野是尊勿謂時險不正其身勿謂
無人莫識己尊忘富遺貴福祿乃存枉道依合後無所
觀先公高節永越可遵佩藏斯或以厲終身時蔡邕輩
並賦詩送獨彪作此箴等甚美之以為莫高也全章
見東漢書此段軼之象書人間殊少惟建業有吳時天
發神識碑若篆若隸字勢雄偉相傳乃象書也張懷瓘
目以沉着痛快直得其筆勢云皇象後章艸一表蓋唐
人偽作其體止與世傳曹植書鵝雀賦同皆是非真跡

至若孫皓上晉武表亦章艸書字畫高古與此間矣王
小令此年帖本唐人所畜與二種虞松三帖為一耳末
云輔國司馬君筆勢婉雅與此有間矣此亦無後五字
宋黃伯思東觀餘論

皇象書如歌聲繞梁琴人合徽一云如音韻繞梁孤飛
獨舞袁昂書評

皇象字休明廣陵江都人幼工書時有張子竝陳梁甫
能書南恨瘦並恨峻象斟酌其間甚得其妙中國善書
者不能及也張勅吳錄

未發神識碑考卷一

七

王莽改海鹽縣為展武縣後陷為湖水有吳皇象墓地
志云象字休明廣陵江都人王存九感志

吳之善書則有皇象劉纂岑伯然朱季平皆一代之絕
手如中州有鍾元常胡孔明張芝索靖各一邦之妙並
用古體俱足周事晉葛洪

皇象官至待中工八分隸章初學於杜度作章艸文而
不華質而不野沉着痛快世以書聖稱論者以象畫比
龍蠖蟄啟伸槩腹行蓋言吳蟠屈騰蹕有橫縱自然之
妙或謂如謠聲繞梁琴人合徽則又見其遺音餘韻

得之於筆墨外也象作八分亦自雄逸遂與蔡邕後先
然人材固有分量當時以象書為章艸入神八分入妙
篆入能其亦善品藻者也今御府所藏章艸一急就章
宣和書譜

皇象書吳大帝碑在江寧府書雖本漢隸然探奇振
古有三代純朴氣自是絕蕪非如東漢遺書循一矩
律藉蹈綴襲竊而自私自也自王志愔定錄古今書而
象已在著錄中至庾肩吾以象入工中其後李嗣真因
之不改不知當時所定果何據也羊欣稱象善書世

天發神識碑考卷一

八

稱沉着痛快而張懷瓘惟稱象小篆入能品其他不見
稱於人今官書有象章艸帖故自精深奇崛前獨不言
象為隸字何也意謂既以書入品第則或不盡著其言
又諸人或有不識數書者有此又不可不知也余疑此碑近
出書畫尚完故是前人未見當其評書時不得睨睨於其
間也不然書隸至此而可遺其品自哉象尺書曰太子屏
風在此已久而未得之文曰想必醉今作鱧魚梅美相待
其自矜持如此宋董道川書跋

了頭石此碑也在金陵斷石岡上有吳大帝字馬了頭

雖斷文字未全訛年算亦為遠字疑皇象多幾時經霹
憲異代見千戊更與千秋看松煤定費摩手梅聖俞集
梅堯臣詩了頭雖斷文字未全訛年算亦為遠書疑
皇象多石在金陵斷石岡上有大帝字去城二十五里
朱泚庸吳班慶元志

案了頭山在溧陽一名了仙山一名了山在城西北八
里周三十里高一百八十五丈其山兩峯峩齊高
如髻故名又攷石字無大帝而天璽年號見於史
傳不知梅詩何據慶元志復收入殊不可解

天發神識碑考卷十

九

後主 無足稱 遺法書者所尚晉宋以未書日加
尚而 法 遠此碑未嘗見稱於時其年 雖在校官
碑後書品過之遠矣象書獨步漢末况體兼篆籀

宜居周鼓秦刻之次魏鍾繇諸書無論也其石四方
面背潤書各八行兩旁 書 行其文書滿三方而
虛其一辭雖不可讀 識者八十餘字首曰上天帝
言次曰天發神識曰 識廣多曰將軍裨將軍關內侯
曰詔遣中書郎曰章威李楷賀某吳寵建業丞許某
等十二人曰永歸大吳上天宣命曰文字炳服曰左

諸石上未後別書曰蘭臺東觀令曰巧上九江曰吳
郡曰東海夏侯蓋列與事之臣於正文之後華敷為
東觀令是必華敷也碑詞雖不可讀大抵猶秦金石
刻制耳 戚光集慶續志

吳後主天册元年掘地得銀長一尺廣三分刻上有年
月字又於吳郡臨平湖邊得一石石中有一小石青白
色長四寸廣二寸刻上作皇帝字於是改元天璽遂立
石紀吳功德案實錄云縣南三十里西接牛頭山丹陽
雲巖東路有大碣石長二丈折為三段此紀功之碑也

天發神識碑考卷十一

十

今移在府中可辨者二百餘字漫滅者五十餘字楊備
詩曰孫吳紀德舊刊碑埋沒蟠螭與伏龜惆悵石岡三
段在至今猶似鼎分時 宋張敦願六朝事跡

吳天璽元年紀功三斷石碑皇象書 六朝事跡
斷石岡在縣南二十里有大碣石長二丈折為三段故
以名岡即吳皇象書碣也 宋樂史太平寰宇記
段石岡在上元縣南三十里丹陽記云有大石碣長
二丈折為三段紀吳功德其文東觀令華敷作其字
大篆或又云皇象書也梅聖俞詩云了頭雖斷石文

字未全訛年算亦烏遠書疑皇象多

宋祝穆方輿勝覽

三段石孫權時碑今移在府中曾極詩凜然皇象法

書存重屋應無野火焚割據英雄餘一念斷碑十

載尚三分方輿勝覽

三段石吳紀功碑也在府治細書閣前集古錄謂之

皇象碑又有王逸少蘭亭記在三段石後壁輿地碑

龍山在江寧縣舊名岩山元潘自牧紀纂淵海

今江寧縣有段石岡蓋舊立碑處據丹陽記晉宋時

已折為三段內一石上有轉運副使胡宗師刻字言

天發神識碑考卷一

十一

此石在南天禧寺門外半埋於土因輦置轉運司後圃

籌思亭時宋元祐六年此石歷八百十有五年矣蓋又

不知何年自巖山徙至城南也轉運使司今府治此石

在細書閣前後又徙錦繡堂前碑刻中歸附後改臺治

此石歌仆於地其一段缺壞蓋嘗為鑿以他用而不果

也其第二段處有襄陽米芾四字亦為人磨礪幾盡

至治 年臺榭揚益益得之廨州中與教授湯彌

訓導李東臧光言於中丞石公珪治書郭公思

募民昇至廟學門內之左張鉅金陵新志

碑在南臺廡支涓洛人揚益為御史大夫掾史移置學

中陸友仁研北雜志

段石岡在府南三十里西接牛首山有大碣石長二丈

折為三段吳後主立碣紀吳功德吳錄云其文東觀令

華覈作其字皇象書也宋朱存詩孫吳紀德舊刊碑州

沒蟠螭與伏龜惆悵岡頭三段石至今猶似鼎分時統

志

段石岡在縣南二十里丹陽記云東有碣石長一丈折

為三段乃吳大帝天發神識碑或云皇象所書因以

天發神識碑考卷一

十二

名岡今移石於府學中

陳沂南歲志

宋仲珩璩金華宋學士景濂先生仲子小篆之工國

朝第一篆法以李斯為宗嘗見梁朝有州堂法師

摹篆字奇古及吳天發壘中皇象書三段石刻

皆真蹟觀之至忘寢食遂悟筆法絕出流輩解

紳集

右吳孫皓天璽元年段石岡紀吳功德碑八分書相

傳出皇象極高古而其文缺壞不可見者已三之一

蓋宋元祐中此石碣已斷為三在天禧寺門外轉運

副使胡宗師徙置漕臺今在應天府學又不知何時所徙也考吳志天冊元年吳郡言掘地得銀上有年月字遂改明年為天璽元年是年都陽宅厯陽山石文理成二十字云楚九州渚吳九州都揚州士作天子四世治太平始又吳興陽羨山有石室之瑞又改明年元為天紀以協石文此碑不見於志攷其文有天發神識等語則亦當時瑞應之事然天紀四年王濬遂入吳矣

楊士奇東里集

府學中三段石碑案寶錄吳天冊元年吳郡臨平湖

天發神識碑考卷一

十三

開又於湖邊得石函函中有小石青白色長四寸廣二寸刻上作皇帝字於是改元天璽立石於巖山紀吳功德其文乃東觀令華覈作黃長睿東觀餘論曰皇象書獨步漢末况體兼篆籀誠宜居周鼓秦刻之次魏鍾繇諸碑勿論也其石四方背濶書各八行兩旁狹書行其文書三方而虛其一辭雖不可讀其可識者百八十餘字首曰上天帝言次曰天發神識曰天識廣多曰將軍曰裨將軍曰關內侯曰詔遣中書郎曰章咸李楷賀吳寵建業丞許等十

二人曰永歸大吳上天宣命曰文字炳朗曰在諸石上其後又別書曰蘭臺東觀令曰巧工九江曰吳郡曰東海夏侯此蓋列與事之臣於正文之後猶秦碑刻制爾泰山碑似方非四面廣狹皆不等正與此石類顧元客座贊語

天發神識碑吳皇象書又定為蘇建舊在紫石山後歸天禧寺又歸籌思寺又移府學櫺星門嘉靖年間又徙入尊經閣下世稱為三段石云周暉金陵案諸書俱以為皇象此獨言又定為蘇建建無

天發神識碑考卷一

十四

能書名亦不知為何時人考孫皓封禪國山所立碑文未有東觀令史邱信中郎將臣蘇健或暉誤引此耶又云舊在紫石山在城南一十五里高三十八丈陳軒金陵集載李建勳春日紫石山期客不至詩戚氏云前志即以此為石山誤瑣事又因其誤與岩山在城南三十里周迴十五里高七十一丈宋孝武改曰龍山景寧陵在焉是吳刻碑地今但名龍山與吉山相近又城西南與太平接壤亦有龍山覆舟山亦名龍山俱非

吳後主天璽元年紀功碑一曰天發神識碑一曰三段
碑金陵新志言華覈文皇象書瑣事又定為蘇建書
非篆非隸最為奇古原在宕山今在府學尊經閣
下顧起元金陵金石攷

孫吳三段石初在牛首山雲岩東路有石碣折為三
段名其地為段石岡後移於天禧寺門外半埋於土
因輦置轉運司後圃壽思亭時宋元祐六年此石
厯八百十有五年乃吳後主天冊元年之石天發
神識碑也至治二年移於廟學今尚在應天府
天發神識碑考卷一
十五

學 陳沂金陵世紀

江寧府南天禧寺門外有石三段乃吳後主天璽元
年宕山紀功德石其文不全宋元祐六年轉運副使
胡宗師輦置漕臺後圃仍題其末今在應天府學
顧炎武金石文字記

右碑在舊府學今上元江寧學明德堂後尊經閣
下中一石左右列二石中濶三尺餘左次之右又
次之其制似方非方如鐘形其字周迴三方書之
背面無字宋人二跋及耿天臺先生題識俱列於

碑額石斷裂久攷之諸志乘皆逐段讀之絕不成文
今年春與孫子凱之摩挲碑下以三段參差合之斷
處顯然其原文俱在因為釋之計首行為神識中
語天發神識文五字是標題自天璽元年以下
方為碑之正文共二十三行內二行字磨滅盡有
字者二十一行一十八字舊志載共存一百八十字
今又辨出三十一字共合二百零一字一依其式錄
之並攷史乘中可據者附於後予欲以三石接累
之中貫以巨鐵仍立為碑因在學宮非可私議
天發神識碑考卷一
十六

也康熙辛酉春祥符周在浚識

金陵古石刻漢碑有永光麻石碑相傳在牛蹟山
道院中久不可見惟溧水校官碑宋時出於固城
湖中碑以靈帝光和四年歲在辛酉造一千一百五
十一年得番陽洪景伯方為釋之人始識其文字
天璽碑吳時立晉宋時斷趙宋元祐六年移置
漕臺已厯八百十有五年元祐及今又五百餘
年亦一千一百餘年予始為復合全文而釋
之校官碑造於辛酉三段碑復合於辛酉亦

一奇也 在浚又識

跋

金石古文自歐陽趙氏雖有載記及之者或因地而志書或繇碑帖以見辨證攷核專為一書者蓋少矣周子雪客少司農夫子長公子也文章詞賦誦於公卿名士已二十年許博學攷古於殘編斷碣尤致力於搜討往往興歎於陰墻廢圃之中予以重訂六經圖未竟視門人於軍都周子謁送太原尚留燕市過尋舍館札手相視余生岐路交并傷心越日出示茲編及竹垞先生弁序并挾千里之秘撰羅諸

未發神識碑考跋

十八

12

未發神識碑考卷一

十七

家之放記斷句聯綴古字微明誠金石之錄後僅見之編校官碑辛酉相符豈偶然哉予亦建業僑居人也童時數至學宮而不知之周子關心往蹟發其湮沒使吾將老得及誦覽旦晚南歸當過秦淮摩挲其下坐卧三日而去以志予媿且幸也予里于山之麓峰有石刻識五十二字志書曰二斷碑彭韋齋移置於家子還錄其文寄周子為攷辨焉鰲峰固夫子治閩讌游之地也侯官高兆跋

附錄

金陵王 著宓州

皇象曰欲見筆漫漫落落宜待精毫苑苑古字筆委曲宛轉不叛散者紙當得滑密不沾污者墨又須多膠紺黝者如逸豫之餘手調適而心佳娛正可以小展皇

帖書

顏魯公家廟碑今隸中之有小篆筆者歐陽詢蘭臺道因碑今隸中之有古隸筆者皇象天發碑分篆中之有章法者瘞鶴銘行書中之有古隸筆未發神識碑考附錄

者隸兼分者蔡邕夏承碑分兼篆者皇象天發碑王鳳洲藝苑危言

與天發碑同時立者則有陽羨之鼓碑一統志宜興縣西南五十里本名離墨山山有九峯相連亦名陞山吳王皓時山大石自立皓遣司空董朝大常周處封為南嶽改今名因刻石頌德碑形如鼓篆文周繞而空一方與天發同字多漫滅俗呼國碑天發全時有紐上懸蓋是鐘形至相對峙也

集慶續志云可識者八十餘字數其釋文僅七

十一字客坐贅語所載釋文與志同予曾有事宿尊經閣下匝月朝夕摹玩洗泥掘土手搨石本連貫全文共得一百九十六字較續志與瑣事所載則多一百二十餘字石在閣下中一石左右列二石中石濶三尺餘左次之右又次之周迴三面鐫字後一面無字中一石乃上段有紐額鐫宋元祐六年轉運副使胡宗師題識及崇寧元年判官石豫題識明嘉靖甲子督學御史耿定向識刻三面二十二行行五字計一百七字第十九行缺中段居左只十六行行五六字不天發神識碑考附錄

等計七十二字下段居右字十行計十六字朱竹垞太史典南闈試事畢與周子雪客討論此碑予出舊搨恭致鄭谷口亦出所摹書定政之思維舊文又補三十一字仍有偏旁字脚不可會意者數字今以三段連接讀之

- 一行只五字下缺
- 二行只五字下缺
- 三行一字下當是統字曰字下缺
- 四行予字下缺一字元字上有字脚當是元字

五行只五字文字下無字

六行泰字下當是則字日字下當是壬戌二字

七行丹字下當是陽字下無字

八行省字下缺一字是字上當是于字多字

下缺一字解字上有脚當是未字

九行呂字上當是泰字世字上當是月字遣

字下缺 字文字上當是解字

十行中字下當是郎字治字下缺三字十字

上當是解

天發神識碑攷附錄

三

十一行有字下當是所字月字下當是十日

二字下無字

十二行：字下當是大大字關字下當是肉疾

二字江字上當九字

十三行更字下當是解十二字五下下當是

泰字二字

十四行姜字下缺一字給字上有字脚莫辨

何字儀字下缺一字

十五行賀字下當是邵字許字下缺二字

十六行字下當是往字甄字_下當是厯字永字上缺一字

十七行昭字下當是示太字

十八行就字下缺 字垂字下當是意萬

禊三字

十九行

二十行俱無字

二十一行只五字令字下全缺或有吳郡二

字在下

天發神識碑攷附錄

四

二十二行只五字朱字下全缺或云更有江字

在下

二十三行只五字候字下全缺

步于日月于舊誤作弓泰通作七西郡舊

誤作吳郡意通作億帶乃業字服朗字

舊誤作娘